

Jehans contes de Sairebruches, Symons contes de Saulmes, Ferris contes de Salverne, li contes Symons de Douspons sires de Biches, Ferris contes de Fribourch, Enmequins contes de Linanges, Thiebaulz et Enmekins signours de Blanmont, Joffrois sires d'Aispremont, Jehans d'Aspremont sires de Fourpach, Formeis contes de Petite-Piere, Friche-mans de Linanges contes de Richiercourt, Jehans de Salverne archidiacre de Mersaul an lesglise de Mes, Jehans filz le conte de Salverne, Aailix de Lietemberch dame de Pute- lenges, femme jaidis mons(eignour) Nicholay de Saulmes, pour ses enfans com maimbourch, Jehans, Bourquars et Ullris de Fenestrenge, Huwes et Ferris ces freires de Fenestrenge, Cones sires de Boulay, Pierres sires de Torvilleir, li prevos, li justice et toute li communautai d'Espinaulz, li eschaivin, li jurei et li communautai de Sairbourch, li maires, li maistres eschaivins, li justice et toute li communautai de Vy, li maires, li eschaivins, li justice et toute li communautai de Mersaul faisons savoir et cognissant a tous ceulz, qui ces presentes lettres varont et oront, que nous pour le commun proffit et evident utilitei des pays et des hommes avons acordei, jurei et fait unes communes trues des pays en la maniere, que ci aipres ensuit.

(1) Et commansent et durent les pourpris de ces communes trues des Saverne la ville ferme, que est au conte de Douspons seant a lantreie de gowes, jusques a Falkenberg, de Falkenberg a Gravesteim, de Gravesteim a Keblenberg, de Keblenberg a Xowomberg¹, de Xowomberg a Moncleir, de Moncleir ai Trieures, de Trieures a Hymerod labbaye de Citelz, de Hymerod a Vrendinsteim², de Vrendinsteim a Kerpen, de Kerpen a Blanckenheim, de Blankenheym a Layseleyde³, [de Layseleyde a Sleyde,]⁴ de Sleyde a Bentynchinbach, de Bentynchynbach a Malmader, de Malmader a Awele⁵, de Awele a Ocquieres, de Ocquieres a Ausoiche⁶, de Ausoiche a Poilevaiche, de Poilevaiche tout amont Mueze jusques a Maisieres, de Maisieres amont Mueze^a jusques a Saithenay, de Saithenay a Vairennes, de Vairennes a Cleirmont an Argonne, de Cleirmont a Revigny,

a) 'nueze' Or.

1) Schaumberg nw. St. Wendel. 2) Habe ich auch in dieser Form nicht auffinden können. 3) Ich vermuthe nach wie vor Reiferscheid. 4) Fehlt im Original, hat in der Vorlage Schannats vermuthlich gestanden. 5) Aywaille, der geographischen Lage nach auch viel passender, nicht Stablo wie bei Schannat. 6) Vielleicht Ohey bei Namur.